

All in for Kids

Lub Khoos Kas CLTS Tsab Ntawv Xov Xwm Rau Tsev Neeg

All in for Kids: Lub Khoos Kas CLTS yog ib tsab ntawv xov xwm uas pab qhia kom koj thiab koj tsev neeg paub txog cov kev txhawb nqa thiab cov kev pab cuam uas muaj los ntawm lub khoos kas CLTS. Tsab ntawv xov xwm raug nthuav tawm los ntawm Wisconsin Lub Tuam Tsev Hauj Lwm Ntsig Txog Cov Kev Pab Cuam Kev Noj Qab Haus Huv (Department of Health Services, DHS).



Qhov Tseem Ceeb Ntawm Tsev Neeg: Henry txoj kev taug mus rau qhov kev nyab xeeb ntawm dej

Txawm tias yuav muaj hnuv nyoog plaub xyoo xwb los, Henry yeej tuaj yeem tsim ua rau muaj dej ntas loj tau lawm, uas tau txais kev txhawb nqa los ntawm Lub Khoos Kas Me Nyuam Li Kev Txhawb Nqa Ncua Sij Hawm Ntev (Children's Long-Term Support, CLTS).

Henry nyob ze rau ntawm ib tug kwj dej nrog rau nws tsev neeg nyob rau hauv Marathon Khauj Tim, yog li ntawd nws tsev neeg lub hom phiaj yog los pab nws kom paub txog cov kev phom sij ntawm dej thiab kawm paub txog cov kev txawj fab kev nyab xeeb uas tsim nyog. Nrog rau qhov kev pab ntawm Lub Khoos Kas CLTS, Henry tau pib cov zaj kawm ua luam dej los tsim nws li kev ntseeg siab thiab kawm paub txog cov tswv yim fab kev nyab xeeb ntawm dej uas tseem ceeb. Henry tab tom kawm paub txog txoj hau kev ua kom ntab nyob rau hauv dej, uas coj kev mus rau qhov kev nyab xeeb ntawm dej, thiab xyaum cov kev txawj tshiab uas tuaj yeem cawm tau nws txoj sia nyob rau hauv qhov xwm txheej ceev hauv dej.

Nws niam, uas yog Danielle, tau qhia tawm tias cov hwm tsam tshiab no muaj txiaj ntsig npaum li cas:

"Thov ua tsaug rau qhov kev txhawb nqa uas peb tau txais, uas Henry muaj peev xwm pib tau cov zaj kawm ua luam dej. Nws yog qhov uas zoo siab heev uas tau pom nws los tau deb heev lawm."

Henry cov duab uas qhia ua rau pom txog nws cov peev xwm txawj ua luam dej tshiab yam uas txaus siab qhia tau zaj dab neeg zoo tshaj plaws. Nws cov kev txawj uas loj hlob zuj zus tuaj tsis yog pab tau nws tus kheej muaj kev nyab xeeb nkaus xwb—cov kev txawj ntawd kuj tseem tsim ua rau nws muaj kev ntseeg siab, ua ub ua no yam uas tsi tos lwm tus pab, thiab ua rau nws muaj kev kaj siab.



Nrog rau lub suab luag ntshi, Henry xyaum ua kom ntab ncuaj sij hawm kawm cov zaj kawm ua luam dej.



Henry zaum ntawm tus ntug pas dej, npaj txhij yuav dhia mus kawm paub txog cov kev txawj fab kev nyab xeeb hauv dej uas tseem ceeb.

Henry tsev neeg thov ua tsaug ntau rau Lub Khoos Kas CLTS thiab qhov sib txawv uas nws tau tsim nyob rau hauv lawv lub neej: "Peb thov ua tsaug ntau tiag - tiag rau txhua tsav txhua yam uas CLTS tau tsim rau peb tsev neeg." ❖

Lub Khoos Kas CLTS xav tau peb tsev neeg cov dab neeg thiab cov duab!

Daim ntawv xov xwm All in for Kids yog muab rau cov tsev neeg. Peb xav qhia koj cov duab thiab cov kev paub dhau los rau lwm cov neeg nyeem txhawm rau kom muaj kev zoo siab! Koj tuaj yeem faib tawm tau tej yam xws li:

- Kev sib tham rau fab zoo nrog rau lub Khoos Kas CLTS.
- Qhov ua piv txwv txog txoj hau kev uas Lub Khoos Kas CLTS tau pab koj tsev neeg los sis tus me nyuam.

Cov ntaub ntawv qhia paub uas tau muab nyob rau hauv tsab ntawv xov xwm no yog raug nthuav tawm raws li Tsab Cai Hais Txog Xaus Saus (Social Security Act) § 1915(c) thiab 42 C.F.R. § 440.180.

- Daim duab los sis zaj dab neeg ntawm qhov kev ua ub ua no uas koj tau ua nrog rau koj tus me nyuam.
- Daim duab ntawm txoj hauj lwj kos duab los sis lwj yam uas koj tus me nyuam tau ua.

Xa koj tsev neeg zaj dab neeg los sis daim duab hauv email mus rau dhsclts@wisconsin.gov uas sau tias “All in for Kids” rau hauv txoj kab lub ncauj lus. Dhau li no lawm koj tuaj yeem xa tau cov tswv yim rau cov dab neeg uas koj xav nyeem nyob rau hauv daim ntawv xov xwm. Peb vam tias yuav hnov lus teb los ntawm koj! ❖



Nws Nyob Ntawm No! Lub Khoos Kas CLTS Phau Ntawv Qhia Siv Tshiab Rau Tus Neeg Koom Nrog thiab Tsev Neeg

Peb muaj cov xov xwm uas ua rau ceeb hlo—Lub Khoos Kas CLTS Phau Ntawv Qhia Siv Tshiab Rau Tus Neeg Koom Nrog thiab Tsev Neeg nyob ntawm no!

Qhov no yog phau ntawv qhia siv uas tau tsim los rau koj tus me nyuam thiab tsev neeg. Nws muaj cov ntaub ntawv qhia paub uas pab tau zoo hais txog Lub Khoos Kas CLTS nyob rau hauv ib phau ntawv qhia siv uas yooj yim siv. Tsis hais koj yuav yog tus neeg tshiab rau lub khoos kas los sis twb tau txais cov kev pab cuam los tau ib ntus lawm, phau ntawv qhia siv no yuav pab koj koj kev mus rau cov kev txhawb nqa thiab cov kev pab cuam uas muaj los pab koj tus me nyuam kom vam meej.

Cov tseem ceeb ntawm yam nyob sab hauv

- Cov kev qhia meej tseeb hais txog cov kev txhawb nqa thiab cov kev pab cuam uas muaj los pab koj tus me nyuam kom ua tau raws li lawv cov hom phiaj.
- Cov ntaub ntawv qhia paub txog tias leej twg thiaj li yog ib feem ntawm koj pab pawg neeg ua hauj lwj ntawm Lub Khoos Kas CLTS thiab lawv tuaj yeem txhawb nqa tau koj tsev neeg li cas.
- Cov lus qhia txog cov kev hloov pauv nyob rau hauv lub neej thiab txoj hau kev los pab koj tus me nyuam npaj rau cov kev paub dhau los tshiab.

Phau ntawv qhia siv uas phim rau tsev neeg no yuav teb cov lus nug uas nquag muaj thiab pab ua kom koj hnov tau tias muaj kev ntseeg siab uas siv Lub Khoos Kas CLTS los txhawb nqa koj tus me nyuam qhov loj hlob thiab kev loj hlob paub tab.



Cov ntaub ntawv qhia paub uas tau muab nyob rau hauv tsab ntawv xov xwm no yog raug nthuav tawm raws li Tsab Cai Hais Txog Xaus Saus (Social Security Act) § 1915(c) thiab 42 C.F.R. § 440.180.



Koj tuaj yeem tau txais phau ntawv qhia siv no li cas?

Peb tab tom ua kom nws muaj kev yooj yim rau cov tsev neeg tau txais qhov peev txheej uas tseem ceeb no.

- Txhua tsev neeg uas tau rau npe rau hauv Lub Khoos Kas CLTS yuav tau txais phau ntawv qhia siv no los ntawm kev xa ntawv. Yog tias koj yog tus neeg tshiab rau Lub Khoos Kas CLTS, ces koj yuav tau txais ib phau nyob rau hauv thaj tsam li ib lub hlis tom qab koj tus me nyuam tau rau npe.
- Dhau li no lawm kuj tseem muaj phau nyob rau hauv oos lais yog li ntawd koj tuaj yeem nkag mus siv tau nws thaum twg los tau, qhov chaw twg los tau. Txais nws ntawm dhs.wi.gov/library/collection/p-03689.

Peb zoo siab heev uas koj phau ntawv qhia siv tshiab no los rau koj, thiab peb laj tos koj los tshawb nrhiav phau ntawv ntawd heev. Qhov no tsuas yog ib txoj ntawm cov hau kev uas peb tab tom ua hauj lwm los ua kom ntseeg siab tias cov tsev neeg zoo li nej muaj cov ntaub ntawv thiab kev txhawb nqa uas lawv xav tau los pab cov me nyuam kom ua neej nyob zoo tshaj plaws nrog rau Lub Khoos Kas CLTS. ❖

Txuas sij hawm koj li Medicaid - tsis txhob pub plam koj cov kev pab cuam ntawm Khoos Kas CLTS.

Txhua - txhua tus me nyuam uas koom nrog rau hauv Lub Khoos Kas CLTS yuav raug rau npe kom tau txais txiaj ntsig puv npo ntawm Wisconsin li kev duav roos kev saib xyuas kev noj qab haus huv Medicaid. Yog li ntawd ib yam uas tseem ceeb tshaj plaws uas koj tuaj yeem ua tau los txhawb nqa koj tus me nyuam nyob rau hauv Lub Khoos Kas CLTS yog los ua kom ntseeg siab tias lawv tseem muaj kev duav roos Medicaid.

Tsis hais koj tsev neeg yuav yog tsev neeg tshiab rau Lub Khoos Kas CLTS los sis koj twb koom nrog los tau ntau xyoo lawm, ntawm no yog yam uas koj yuav tsum tau paub txog los ceev cia koj tus me nyuam li Medicaid thiab cov kev pab cuam CLTS kom muaj mus ntxiv.

Medicaid yog dab tsi thiab vim li cas nws thiaj li tseem ceeb?

Medicaid muab kev duav roos kev saib xyuas kev noj qab haus huv rau cov me nyuam, cov tib neeg uas muaj kev xiam oob qhab, cov neeg laus uas muaj nyiaj khwv tau los tsawg, cov poj niam uas cev xeeb me nyuam, thiab cov neeg uas laus zog lawm. Nyob rau hauv Wisconsin, Medicaid cia cov tsev neeg tuaj yeem nkag mus siv tau:

- Kev kho mob thiab kev saib xyuas kev noj qab haus huv uas kho tau zoo
- Cov hauv kev xaiv saib xyuas ncuaj sij hawm ntev
- Cov kev pab cuam uas txhawb nqa kev noj qab haus huv fab lub cev ntaj ntsug, fab kev xav, thiab kev loj hlob paub tab

Rau cov me nyuam uas nyob rau hauv Lub Khoos Kas CLTS, kev muaj Medicaid yog ib txoj cai teeb tseg. Nws ua hauj lwm ua ke nrog rau Lub Khoos Kas CLTS los muab

Cov ntaub ntawv qhia paub uas tau muab nyob rau hauv tsab ntawv xov xwm no yog raug nthuav tawm raws li Tsab Cai Hais Txog Xaus Saus (Social Security Act) § 1915(c) thiab 42 C.F.R. § 440.180.



cov kev pab cuam thiab cov kev txhawb nqa rau koj tus me nyuam cov kev xav tau kom loj hlob, koom nrog rau hauv lawv lub zej zog, thiab ua lwm lub neej kom zoo tshaj plaws.

Medicaid thiab Lub Khoos Kas CLTS ua hauj lwm ua ke li cas?

Medicaid duav roos koj tus me nyuam qhov kev saib xyuas kev noj qab haus huv. Lub Khoos Kas CLTS yuav muab ib cov kev txhawb nqa thiab cov kev pab cuam txhab ntxiv uas pab ua kom tau raws li koj tus me nyuam cov hom phiaj raws li tau qhia nyob rau hauv lawv Txoj Phiaj Xwm Kev Pab Cuam Ua Ib Leeg (Individual Service Plan, ISP) uas raws li ib txwm lawm tsis muaj kev duav roos los ntawm Medicaid los sis kev tuav pov hwm muaj tswv ntiag tug. Ua ke no, lawv ua kom ntseeg siab tias koj tus me nyuam muaj tej yam uas lawv xav tau txhawm rau kom muaj kev vam meej.

Qhov TSEEM CEEB uas yuav tsum tau nco: Txhawm rau kom tau nyob rau hauv Lub Khoos Kas CLTS, koj tus me nyuam yuav tsum nyob rau hauv Medicaid

Kev muaj cai tau txais Lub Khoos Kas CLTS yuav tsum muaj kev sau npe rau hauv Wisconsin lub khoos kas saib xyuas kev noj qab haus huv Medicaid uas muab txiaj ntsig puv npo. **Yog tias koj tus me nyuam plam kev duav roos Medicaid, ces lawv yuav plam kev tuaj yeem nkag mus siv tau Lub Khoos Kas CLTS**—txawm tias lawv cov kev xav tau yuav tsis muaj kev hloov pauv los xij. Ntawd yog lub laj thawj tias kev ceev cia Medicaid yog yam tseem ceeb heev.

Cov khoos kas Medicaid dab tsi thiaj muaj raug raws li Lub Khoos Kas CLTS cov cai teeb tseg txog kev muaj cai tau txais?

Txhawm rau kom tau txais Lub Khoos Kas CLTS cov kev pab cuam txuas mus ntxiv, koj tus me nyuam yuav tsum rau npe rau hauv ib qho ntawm cov hom kev duav roos Medicaid txuas mus no:

- ✓ BadgerCare Plus
- ✓ Katie Beckett Medicaid
- ✓ Kev Zam Cai Raws Tsev thiab Zej Zog (Home and Community-Based Waiver, HCBW) Medicaid
- ✓ Nyiaj Khwv Tau Los Ntawm Kev Ruaj Ntseg Pab Txhawb Ntxiv (Supplemental Security Income, SSI) Medicaid
- ✓ Kev Pab Fab Kev Saws Me Nyuam Los Tu Medicaid (Adoption Assistance Medicaid)
- ✓ Kev Saib Xyuas Me Nyuam Ntsuag Medicaid (Foster Care Medicaid)

Cov khoos kas no yuav muab qhov kev duav roos uas lawv yuav tsum tau muaj rau koj tus me nyuam txhawm rau kom tau nyob rau hauv Lub Khoos Kas CLTS.



ISP YOG

DAB TSI?

Koj tus me nyuam Txoj Phiaj Xwm Kev Saib Xyuas Ntiag Tug (Individual Service Plan, ISP) yog txoj phiaj xwm ntiag tug uas txhim kho kom haum rau lawv cov hom phiaj thiab cov kev pab cuam uas lawv yuav tau txais los ntawm Lub Khoos Kas CLTS. Koj tus kws lis hauj lwm muab kev txhawb nqa thiab kev pab cuam (SSC) yuav ua hauj lwm nrog koj los tsim thiab hloov kho dua tshiab txoj phiaj xwm no.



Cov ntaub ntawv qhia paub uas tau muab nyob rau hauv tsab ntawv xov xwm no yog raug nthuav tawm raws li Tsab Cai Hais Txog Xaus Saus (Social Security Act) § 1915(c) thiab 42 C.F.R. § 440.180.



Cov khoos kas dab tsi tsis muaj raug raws li qhov kev muaj cai tau txais Lub Khoos Kas CLTS?

Tej zaum qee cov khoos kas yuav muab cov txiaj ntsig uas muaj ciam txwv los sis duav roos cov kev xav tau fab kev noj qab haus huv tshwj xeeb nkaus xwb. Txawm cov khoos kas no yuav muab qhov kev txhawb nqa uas tseem ceeb rau koj tsev neeg los, lawv yeej yuav tsis muaj raug raws li cov cai teeb tseg txog kev muaj cai tau txais Lub Khoos Kas CLTS.

- ✗ FoodShare
- ✗ Cov Kev Pab Cuam Kev Tawm Phiaj Xwm Tsev Neeg Nkaus Xwb (Family Planning Only Services)
- ✗ Medicaid Uas Cuam Tshuam Rau Kab Mob Ntsws Qhuav Nkaus Xwb (Tuberculosis-Related Only Medicaid)
- ✗ Phiaj Xwm Kev Pab Cuam Thaum Muaj Xwm Txheej Ceev (Emergency Services Plan)

Cov me nyuam uas tsuas rau npe rau hauv ib lub ntawm cov khoos kas no xwb yuav tsis muaj cai tau txais Lub Khoos Kas CLTS cov kev pab cuam. Ua kom ntseeg siab tias koj tus me nyuam tau txais kev duav roos los ntawm lub khoos kas Medicaid uas muab txiaj ntsig puw npo txhawm rau ceev cia lawv li kev sau npe.

Yuav muaj dab tsi tshwm sim nyob rau ncuaj sij hawm rov txuas sij hawm Medicaid?

Txhua - txhua xyoo, koj yuav tsum tau rov txuas sij hawm koj tus me nyuam qhov kev duav roos kev saib xyuas kev noj qab haus huv Medicaid. Qhov no yog kauj ruam tseem ceeb nyob rau hauv kev ceev cia Lub Khoos Kas CLTS cov kev pab cuam.

Ntawm no yog yam uas vam tseg:

- Thaj tsam li ob lub liam tiam ua ntej koj tus me nyuam lub hli rov txuas sij hawm, koj yuav tau txais ib tsab ntawv thiab pob ntawv rov txuas sij hawm nyob rau hauv kev xa ntawv.
- Koj yuav tsum sau kom tiav thiab xa rov qab pob ntawv los sis mus rau hauv oos lais los hloov kho dua tshiab koj cov ntaub ntawv—ua ntej hnub tag sij hawm.
- Mus saib dhs.wi.gov/renew rau cov tswv yim thiab cov lus qhia uas pab tau zoo.

Nqis tes yam uas ceev nrooj! Kev ua tsis tau qhov kev rov txuas sij hawm kom ncav sij hawm tuaj yeem tsim ua rau muaj kis khoob nyob rau hauv Medicaid thiab nyob rau hauv koj me nyuam Lub Khoos Kas CLTS cov kev pab cuam.

Puas xav tau kev pab nrog rau kev rov txuas sij hawm Medicaid?

Koj tsis tau nyob ib leeg. Koj tus kws lis hauj lwm txog kev txhawb nqa thiab kev pab cuam (SSC) nyob ntawm no yuav los pab koj ua kom nkag siab koj tus me nyuam qib kev muaj Medicaid thiab ceev cia koj tus me nyuam Lub Khoos Kas CLTS cov kev txhawb nqa thiab cov kev pab cuam txuas mus ntiv. Yog tias koj tsis ntseeg siab hais txog koj tus me nyuam qhov kev duav roos los sis xav tias tej zaum koj tau plam kauj ruam kev rov txuas sij hawm lawm, ces thov txuas lus rau koj tus SSC tam sim ntawd.

Cov ntaub ntawv qhia paub uas tau muab nyob rau hauv tsab ntawv xov xwm no yog raug nthuav tawm raws li Tsab Cai Hais Txog Xaus Saus (Social Security Act) § 1915(c) thiab 42 C.F.R. § 440.180.

Kab kawg nkaus: Koj yuav tsum tau muaj Medicaid thiaj li rau npe tau rau hauv Lub Khoos Kas CLTS

Mloog xov xwm, rau npe twj ywm, thiab txuas twj ywm nrog rau cov kev txhawb nqa uas pab koj tus me nyuam kom loj hlob, muaj kev vam meej, thiab zoo tshaj plaws.

Rau ntaub ntawv kev paub ntiv, mus saib: dhs.wi.gov/children/index.htm los sis hu rau 877-WiscWay (877-947-2929) txhawm rau kom tau txuas nrog rau qhov kev pab hauv zos. ❖

Tsis tas txhawj tsuas yog nias rau lub pob nias xwb: PERS txhawb nqa kev nyab xeeb nyob rau hauv Lub Khoos Kas CLTS li cas

Nyob rau hauv Lub Khoos Kas CLTS, txhua - txhua tus me nyuam li kev nyab xeeb yog yam tseem ceeb—thiab koj li kev tsis txhawj xeeb los kuj tseem ceeb ib yam thiab. Qhov ntawd yog lub laj thawj tias vim li cas Txheej Teg Kev Ua Hauj Lwm Pab Rau Thaum Muaj Xwm Txheej Ceev Ntiag Tug (Personal Emergency Response System, PERS) thiaj yog ib qho ntawm ntau cov kev txhawb nqa uas muaj los pab koj tus me nyuam kom nyob ntawm tsev thiab hauv lub zej zog yam uas muaj kev nyab xeeb.

Tsis hais nws yuav yog qhov xwm txheej ceev fab kev kho mob los sis lub sijhawm thaum uas koj tus me nyuam tsis nyob rau hauv lub zeem muag yam uas xav tsis txog, PERS tuaj yeem pab ua kom ntseeg siab tias koj tus me nyuam muaj kev nkag mus siv tau kev pab thaum uas yuav tsum tau muaj kev pab.


PERS yog dab tsi?

PERS tsis yog tus neeg los sis tus neeg muab kev saib xyuas, nws yog lub cuab yeej los sis tev naus laus yim uas pab txuas koj nrog rau qhov kev pab thaum muaj xwm txheej ceev yam uas ceev nrooj nyob rau cov xwm txheej uas maj ceev.

Ntawm no yog txoj hau kev uas nws ua hauj lwm:

Cov cuab yeej PERS nyiam siv tev naus laus yis GPS thiab muab kev txuas nkag mus rau kev sib txuas lus ncaj nraim ncu ntawm koj tus me nyuam, koj tsev neeg, thiab cov neeg pab thaum muaj xwm txheej ceev. Qee cov cuab yeej yog coj zoo li cov saw tes los sis cov saw caj dab, thaum uas lwm cov raug tawm qauv los ua cov cuab yeej taug qab los sis cov cuab yeej sib txuas lus tshwj xeeb.

Nyob rau feem tsawg tej zaum xov tooj ntawm tes thiab cov kev pab cuam xov tooj ntawm tes yuav tau txais kev duav roos rau kev pab thaum muaj xwm txheej ceev, tab sis tsuas yog thaum uas tsis muaj cov hauv kev xaiv PERS los pab ua kom tau raws li tus me nyuam cov kev xav tau xwb.



Cov ntaub ntawv qhia paub uas tau muab nyob rau hauv tsab ntawv xov xwm no yog raug nthuav tawm raws li Tsab Cai Hais Txog Xaus Saus (Social Security Act) § 1915(c) thiab 42 C.F.R. § 440.180.

PERS muaj kev pab tau zoo thaum twg?

Yog tias koj tus me nyuam:

- Muaj tus yam ntxwv fab kev kho mob uas tej zaum yuav tsim ua rau muaj cov xwm txheej ceev loj, los sis
- Muaj feem uas yuav muab tseg cia yam uas tsis muaj leej twg saib xyuas thiab nrhiav tsis tau kev los tsev

...lub cuab yeej PERS tuaj yeem muab tau qhov kev txhawb nqa tseem ceeb. Cov cuab yeej no pab ua kom ntseeg siab tias muaj kev pab tas li uas tsuas yog nias rau lub pob nias—los sis hu—tawm xwb.

Lub Khoos Kas CLTS duav roos dab tsi?

Tej zaum Lub Khoos Kas CLTS yuav them rau:

- Qhov kev yuav lub cuab yeej PERS thaum xub thawj.
- Kev nruab los sis teeb tsa.
- Cov nqi kev tso npe los sis kev pab cuam yam tsis tu ncuu yog tias tsim nyog.

Koj tus me nyuam lub cuab yeej PERS thiab cov kev pab cuam uas tau cuam tshuam yuav tsum yog ib feem ntawm lawv qhov ISP thiab txuas rau cov hom phiaj thiab cov kev xav tau tshwj xeeb.

PERS puas phim rau koj tus me nyuam?

Sib tham nrog rau koj tus neeg lis hauj lwm muab kev txhawb nqa thiab kev pab cuam (SSC) yog tias koj:

- Txhawj xeeb txog tias koj yuav tau txais kev pab ceev npaum li cas nyob rau ncuu sij hawm muaj qhov xwm txheej ceev fab kev kho mob.
- Muaj cov kev txhawj xeeb fab kev nyab xeeb hais txog koj tus me nyuam uas poob zoo los sis nrhiav tsis tau kev los tsev.
- Xav tau ib txheej kev pov thaiv ntxiv thaum koj tus me nyuam nyob ntawm tsev los sis tawm mus rau hauv lub zej zog.

Ua ke, koj thiab koj tus SSC tuaj yeem saib tau cov hauv kev xaiv PERS uas muaj thiab nrhiav txoj hauv kev xaiv uas phim rau koj tus me nyuam tshaj plaws.

PERS tsuas yog ib qho ntawm cov kev txhawb nqa thiab kev pab cuam uas ntau tshaj 30 yam uas Lub Khoos Kas CLTS muab xwb. Txhua tej yam yog raug tawm qauv los pab koj tus me nyuam kom ua neej nyob yam uas muaj kev nyab xeeb ntxiv, yam uas tsis tos lwm tus pab, thiab yam uas muaj kev ntseeg siab nyob rau hauv koj lub tsev thiab lub zej zog.

Rau ntaub ntawv kev paub ntxiv hais txog Lub Khoos Kas CLTS cov kev pab cuam, thov mus saib dhs.wi.gov/clts/services.htm. ❖

Cov ntaub ntawv qhia paub uas tau muab nyob rau hauv tsab ntawv xov xwm no yog raug nthuav tawm raws li Tsab Cai Hais Txog Xaus Saus (Social Security Act) § 1915(c) thiab 42 C.F.R. § 440.180.

Kev tsom kwm rau tus koom ua ke: Koom Haum Kev Tawm Suab Ntawm Tsev Neeg ntawm Wisconsin (Family Voices of Wisconsin)

Kev Tsom Kwm Rau Tus Koom Ua Ke yog tus yam txwv uas rov tshwm sim nyob rau hauv peb daim ntawv xov xwm, uas tsom kwm rau qee cov koom haum uas tej zaum cov tsev neeg yuav xav paub txog ntxiv.

Kev tu tus me nyuam uas muaj kev xiam oob qhab los sis muaj cov kev xav tau kev saib xyuas kev noj qab haus huv tshwj xeeb yuav yog qhov kev kaj siab thiab kev cov nyom tib si—thiab kev muaj kev txhawb nqa mus ntev tuaj yeem tsim ua rau muaj ntau yam sib txawv. Ntawd yog qhov uas Lub Koom Haum Kev Tawm Suab Ntawm Tsev Neeg ntawm Wisconsin (Family Voices of Wisconsin, FVW) tuaj yeem pab tau.

FVW yog lub koom haum tsis vam nyiaj paj tshaj uas lis hauj lwm los ntawm tsev neeg, thoob plaws xeev uas sawv nraim ntawm Wisconsin cov tsev neeg ib sab los tau 30 lub xyoo. Lawv lub hom phiaj yog dab tsi? Los pab cov niam txiv thiab cov neeg muab kev saib xyuas koj hnov tau ruaj siab, tau txais ntaub ntawv kev paub, thiab muaj hwm chim—tshwj xeeb tshaj yog thaum kev coj kev cov txheej teg kev ua hauj lwm uas nyuaj sib chab sib chaws xws li Medicaid, cov kev txhawb nqa ntawm tsev kawm ntawv, thiab Lub Khoos Kas CLTS.

Lub chaw muaj ntaub ntawv uas ntseeg siab tau rau CLTS cov tsev neeg

FVW paub tias kev koom nrog rau Lub Khoos Kas CLTS—los sis tab txawm tias kev kawm paub txog txoj hau kev uas nws ua hauj lwm xwb los—tuaj yeem hnov tau tias nyuaj heev. Ntawd yog lub laj thawj uas lawv tau tsim ntau xuv ntaub ntawv qhia txog qhov tseeb pub dawb, yooj yim rau kev nkag siab los pab qhia koj mus nrog txoj hau kev.

CLTS cov xuv ntaub ntawv qhia txog qhov tseeb yuav hais txog cov ncauj lus xws li:

- Kev muaj cai tau txais thiab kev sau npe
- Tej yam uas vam tseg nyob rau ncuaj sij hawm ua kev kuaj xyuas kev ua hauj lwm
- Txoj hau kev tsim kho koj tus me nyuam Txoj Phiaj Xwm Kev Pab Cuam Ua Ib Leeg (Individual Service Plan, ISP)
- Cov kev pab cuam thiab cov kev txhawb nqa uas tej zaum koj tus me nyuam yuav muaj kev tsim nyog rau

Koj tuaj yeem nrhiav tau tag nrho cov chaw muaj ntaub ntawv no nyob rau hauv lawv lub vev xaib: familyvoiceswi.org/resource-library.

Cov chav kawm rau kev kawm paub uas tawm qauv rau cov tsev neeg

Dhau li no lawm FVW kuj tseem teeb tsa cov chav kawm rau kev kawm paub hauv oos lais uas cuag li yog tiag pub dawb uas faib cov ncauj lus loj mus ua cov kev sib tham ua lom lus uas meej thiab pab tau zoo. Cov chav kawm feem ntau yog teeb tsa nyob rau ncuaj sij hawm noj su los sis nyob rau thaum tsaus ntuj—thiab yog tias koj tsis tuaj yeem koom tau qhov kev thaj tso tam sim, tseem muaj ntau chav kawm uas tuaj yeem koom tau raws li xav tau.

Koom Haum Kev Tawm Suab Ntawm Tsev Neeg ntawm Wisconsin (Family Voices of Wisconsin) YOG LEEJ TWG?

FVW yog ib feem ntawm Wisconsin lub nev vawj cov chaw sawv cev uas txhawb nqa cov me nyuam uas muaj cov kev xav tau kev saib xyuas kev noj qab haus huv tshwj xeeb. Dhau li no lawm lawv kuj yog xeev Lub Chaw Pab Cuam Ntaub Ntawv Qhia Paub Txog Kev Noj Qab Haus Huv Ib Tsev Neeg-rau-Ib Tsev Neeg thiab lub chaw ncau ntawm lub koom haum Family Voices hauv teb chaws ntawm Wisconsin.

Kawm paub ntxiv ntawm
familyvoiceswi.org.



Cov ntaub ntawv qhia paub uas tau muab nyob rau hauv tsab ntawv xov xwm no yog raug nthuav tawm raws li Tsab Cai Hais Txog Xaus Saus (Social Security Act) § 1915(c) thiab 42 C.F.R. § 440.180.

Rau CLTS cov tsev neeg, qee cov chav kawm uas pab tau zoo tshwj xeeb muaj xws li:

- Get Ready: Qhov kev nthuav qhia txog Lub Khoos Kas CLTS Kev nkag siab tob txog tias Lub Khoos Kas CLTS yog dab tsi thiab nws ua hauj lwm li cas. Tau tsim raws li lus pab tswv yim los ntawm ntau tshaj li 100 leej niam txiv!
- Koj Pua Tau Paub? Tam Sim No Koj Paub! Qhov chaw zoo uas los pib yog tias koj tab tom kawm paub txog Medicaid, los sis kev tuav pov hwm ntiag tug, thiab cov kev txhawb nqa nua sij hawm ntev rau thawj zaug.

Lwm cov chav kawm yuav tsom kwm rau cov ncauj lus tseem ceeb xws li kev hloov pauv mus ua neeg laus, kev ua kev txiav txim uas tau txais kev txhawb nqa, thiab kev txhawb nqa ntawm niam txiv. Tsis hais koj yuav nyob rau qhov twg ntawm koj txoj kev taug los xij, yeej muaj qee yam dab tsi rau koj.

Muab kev paub dhau los hauv kev ua neej los ua tus cag

Txhua - txhua tus tswv cuab neeg ua hauj lwm ntawm FVW paub tias kev muaj qee tus neeg uas tuaj yeem mus thov tau kev pab, kev txhawb zog, los sis tsuas yog mloog xwb nws tseem ceeb npaum li cas.

Zoo ib yam li ib twg tswv cuab ntawm pab pawg neeg ua hauj lawm tau qhia tawm tias, "Tshwj xeeb tshaj yog thaum uas pib los sis nyob rau nua sij hawm hloov pauv, kev muaj cov chaw muaj ntau ntawv uas meej, tuaj yeem nkag siab thiab paub txog tej yam uas yuav thov los ntawm cov kws muaj kev paub tshwj xeeb tuaj yeem tsim ua rau muaj qhov sib txawv tiag."

Koom Haum Kev Tawm Suab Ntawm Tsev Neeg ntawm Wisconsin (Family Voices of Wisconsin) nyob ntawm no yuav los koom tes nrog koj—tsis hais koj nyuam qhuav pib nyob rau hauv Lub Khoos Kas CLTS los sis twb npaj txhij txais koj qhov kev txhawb nqa mus rau qib tom ntej lawm.

Txuas nrog twj ywm!

Rau npe kom tau txais Family Voices tsab email cov kev hloov kho dua tshiab hais txog cov chav kawm ua tab tom yuav los txog no thiab cov chaw muaj ntau ntawv tshiab: familyvoiceswi.org/connect. ❖

Koj tuaj yeem thov tau kom rov qab txiav txim dua rau Lub Khoos Kas CLTS cov kev txiav txim

Nws yog teeb meem li ib txwm uas muaj cov kev xam pom sib txawv ib zaug rau ib zaug. Yog tias koj tsis pom zoo nrog rau qhov kev txiav txim hais txog koj tus me nyuam qhov kev txhawb nqa los sis kev pab cuam nyob rau hauv Lub Khoos Kas CLTS, lawv qhov kev muaj cai tau txais, los sis tus kws muab kev pab cuam uas tau xaiv, ces koj muaj cai thov kom rov qab txiav txim dua. Qhov no txhais tias koj tuaj yeem thov tau yam uas raug raws cai kom tus kws txiav txim plaub ntug tshab yuas qhov kev txiav txim.

Puas yog tab tom nrhiav cov hau kev los txuas nrog rau lwm cov tsev neeg.

Dhau li no lawm Family Voices kuj tseem muab cov hwm tsam xws li:

- Wisconsin Lub Chaw Kawm Paub Txog Kev Ua Tus Coj Ntawm Tsev Neeg (Wisconsin Family Leadership Institute, WiFLI): Kev cob qhia pab txhawb rau cov niam thiab txiv thiab cov neeg saib xyuas.
- Kev Pab Txhawb rau Kev Hloov Pauv: Lub koom txoos ib xyoo ib zaug uas cov tsev neeg ntsib nrog rau xeev cov neeg tsim cai lij choj.
- Cov Voj Voom ntawm Lub Rooj Sib Tham Txog Kev Ua Neej: Kev sib sau ua ke thoob plaws lub xeev uas tsim nyog rau tsev neeg nrog rau cov rooj sib tham cob qhia, lub khoos kas pab cuam rau tub ntxais hluas, thiab cov dej num lom zem!

Kawm paub ntxiv ntawm familyvoiceswi.org.

Cov ntau ntawv qhia paub uas tau muab nyob rau hauv tsab ntawv xov xwm no yog raug nthuav tawm raws li Tsab Cai Hais Txog Xaus Saus (Social Security Act) § 1915(c) thiab 42 C.F.R. § 440.180.

Txhawm rau pib txheej txheem kev thov kom rov qab txiav txim dua:

Xa daim foos ntawv thov los sis xa ib tsab ntawv. Sau daim foos los thov lub rooj taug xyuas kev ncaj ncees los sis sau ib tsab ntawv uas piav qhia tias vim li cas koj thiaj tsis pom zoo nrog rau qhov kev txiav txim.

Xa daim foos los sis tsab ntawv ntawd mus rau Feem Hauj Lwm Ntsig Txog Cov Kev Taug Xyuas Kev Ncaj Ncees thiab Cov Kev Thov Kom Muab Hais Dua.

Qhov chaw nyob yog:
Division of Hearings and Appeals
P.O. Box 7875
Madison, WI 53707-7875

Feem Hauj Lwm ntsig txog Cov Kev Taug Xyuas Kev Ncaj Ncees thiab Cov Kev Thov Kom Muab Hais Dua yuav ceeb toom qhia rau koj paub txog lub hnub tim uas yuav teeb tsa koj lub rooj taug xyuas kev ncaj ncees.

Rau ntaub ntawv kev paub ntawv hais txog cov kev thov kom rov qab txiav txim dua los sis los nrhiav daim foos, mus saib: doa.wi.gov/RequestAHearing

Nws yog qhov tseem ceeb uas yuav tsum tau paub tias kev xa daim ntawv thov kom rov qab txiav txim dua tsis yog ib yam phem. Nws tsuas yog ib txoj hau kev los ua hauj lwm hla kom dhau cov kev sib txawv thiab ua kom ntseeg siab tias koj tus me nyuam cov kev xav tau raug muab ua tib zoo saib lawm. Txheej txheem kev thov kom rov qab txiav txim dua nyob ntawm no yuav los txhawb nqa koj yog tias koj hnub tau tias qhov kev txiav txim hais txog koj tus me nyuam cov kev txhawb nqa thiab cov kev pab cuam tsis phim rau koj qhov xwm txheej

Cov chaw muaj ntaub ntawv uas pab tau zoo rau cov tsev neeg

Lub Chaw Ua Hauj Lwm txog Me Nyuam Li Kev Noj Qab Haus Huv Fab Siab Ntsws: Daim Ntawv Qhia Qhov Tseeb Txog Kev Txhawb Nqa Cov Me Nyuam Uas Muaj Kev Xiam Oob Qhab

Lub Chaw Ua Hauj Lwm txog Me Nyuam Li Kev Noj Qab Haus Huv Fab Siab Ntsws tau tawm daim ntawv qhia qhov tseeb uas sib tham hais txog tej yam uas peb lub xeev ua los txhawb nqa cov me nyuam uas muaj kev xiam oob qhab. Nws suav nrog daim npe tej yam uas tus neeg tsim cai, cov kws muab kev pab cuam, cov zej zog, cov tsev kawm ntawv, thiab cov niam txiv/cov neeg muab kev saib xyuas tuaj yeem ua tau los pab cov me nyuam thiab lawv tsev neeg. Rub daim ntawv ntawd ntawm no: children.wi.gov/Documents/ResearchData/OCMH%20Fact%20Sheet_July%202024_Supporting%20Kids%20with%20Disabilities.pdf

Tus Tswv Xeev Wisconsin Tony Evers Tshaj Tawm Xyoo 2025 Ua Xyoo Me Nyuam Yaus

Tus Tswv Xeev qhov kev tshaj tawm Peev Nyiaj Tswj Hwm xyoo 2025-27 yuav tsim ua rau feem hauj lwm tswj hwm muaj kev cog lus los ua tej yam uas zoo tshaj plaws rau cov me nyuam, txhim kho kev noj qab haus huv fab siab ntsws ntawm cov tub ntxhais hluas, ua kom ntseeg siab tias muaj dej haus yam uas nyab xeeb nyob rau



Wisconsin Wayfinder
Children's Resource Network

Wisconsin Wayfinder pab txuas koj nrog rau cov chaw muaj ntaub ntawv

Cov tsev neeg nquag muaj ntau cov lus nug tom qab paub tias lawv tus me nyuam muaj ob qho los sis ntau nqo kev qeeb, cov kev xiam oob qhab, cov kev xav tau kev saib xyuas kev noj qab haus huv tshwj xeeb, los sis cov yam ntxwv mob puas siab puas ntsws. Wisconsin muaj tsib Lub Chaw Pab Cuam Chaw Muaj Ntaub Ntawv Rau Me Nyuam Yaus hauv cheeb tsam uas mob siab los txhawb nqa cov tsev neeg no. Cov chaw pab cuam pab tag nrho cov tsev neeg no thiab cov kws muab kev pab cuam tib si.

- Txuas nrog rau cov chaw muaj ntaub ntawv hauv zej zog.
- Kawm paub txog thiab nrhiav cov kev pab cuam.
- Txais cov lus teb rau cov lus nug.

Koj tuaj yeem hu tau rau tus nab npawb xov tooj hu dawb 877-WiscWay (877-947-2929) los sib tham nrog tus neeg tseeb tiag uas yuav txuas nkoj nrog rau koj phau ntawv qhia txog chaw muaj ntaub ntawv rau cov me nyuam.

Koj tuaj yeem mus tau rau hauv oos lais ntawm dhs.wi.gov/wiscway rau ntaub ntawv kev paub ntawv.

Cov ntaub ntawv qhia paub uas tau muab nyob rau hauv tsab ntawv xov xwm no yog raug nthuav tawm raws li Tsab Cai Hais Txog Xaus Saus (Social Security Act) § 1915(c) thiab 42 C.F.R. § 440.180.

hauv cov tsev kawm ntawv thiab cov zej zog, thiab lwm yam ntixiv. Saib kev tso tawm xov xwm ntawm no: content.govdelivery.com/accounts/WIGOV/bulletins/3ce3a56

Kev Npaj Rau Lub Neej Tam Li Yog Tus Neeg Laus: Kev Tawm Phiaj Xwm Hloov Pauv Rau Tub Ntxhais Hluas

Tub ntxhais hluas nyob rau ncu hloov pauv (los kuj tau hu ua kev tawm phiaj xwm hloov pauv) yog ib txheej txheem rau cov tub ntxhais hluas uas muaj cov kev xav tau kev saib xyuas kev noj qab haus huv los sis kev xiam oob qhab. Nws pab koj tawm phiaj xwm rau koj lub neej yav tom ntej thiab hloov pauv los ntawm kev tau txais cov kev pab cuam tub ntxhais hluas mus ua cov kev pab cuam neeg laus. Kev tawm phiaj xwm hloov pauv yuav pib kom ntov li ntov tau thaum muaj hnub nyoog 14 xyoo.

Txais phau ntawv qhia uas muaj 53 nplooj uas muab ntau cov ntaub ntawv qhia paub nyob ntawm dhs.wi.gov/publications/p00413a.pdf. ❖

Koom nrog peb daim npev email

Rau npe txhawm rau kom tau txais vaws saj es lev taus niv ntawm daim ntawv xov xwm no thiab lwm cov email hais txog Lub Khoos Kas CLTS.

1. Mus rau dhs.wi.gov/dms/ltc-email-signup.htm.
2. Swb nqis mus rau hauv tshooj **Cov Cauj Lus Ntawm Qhov Kev Rau Npe Rau Me Nyuam Yaus Li Long-Term Care**.
3. Xaiv **CLTS Cov Ntaub Ntawv Qhia Paub rau Cov Tsev Neeg thiab Cov Neeg Koom Nrog**.

Qhia rau koj tsev neeg thiab cov phooj ywg nyob rau hauv lub khoos kas los rau npe ib yam thiab!

Cov teeb meem xyoo 2025 dhau los ntawm All in for Kids: Lus Khoos Kas CLTS yog muaj nyob ntawm: dhs.wi.gov/library/collection/AKids25. ❖

Cov ntaub ntawv qhia paub uas tau muab nyob rau hauv tsab ntawv xov xwm no yog raug nthuav tawm raws li Tsab Cai Hais Txog Xaus Saus (Social Security Act) § 1915(c) thiab 42 C.F.R. § 440.180.

All in for Kids: Lub Khoos Kas CLTS yog tsab ntawv xov xwm uas raug nthuav tawm los ntawm Wisconsin Lub Tuam Tsev Hauj Lwm Ntsig Txog Cov Kev Pab Cuam Kev Noj Qab Haus Huv rau cov me nyuam thiab cov tsev neeg nyob rau hauv Lub Khoos Kas CLTS.

Lub Khoos Kas CLTS yuav ua kom muaj peev nyiaj pab Medicaid los txhawb nqa cov me nyuam uas muaj cov ciam txwv ntau vim kev loj hlob paub tab, lub cev ntaj ntsug, los sis cov kev xiam oob qhab fab siab ntsws loj uas nyob rau ntawm tsev los sis nyob rau hauv zej zog. Kev muab peev nyiaj pab tej zaum yuav raug siv los txhawb nqa ntau yam kev pab cuam uas saib raws li qhov kev ntsuam xyuas ntawm tus me nyuam thiab tsev neeg cov kev xav tau tshwj xeeb thiab cov hom phiaj uas tau teeb tseg los sis cov tshwm sim tawm los. Rau ntaub ntawv kev paub ntixiv, mus saib dhs.wi.gov/children/index.htm.

Para leer este boletín en español, visite dhs.wi.gov/library/collection/AKids25.

Xav nyeem tsab ntawv xov xwm no ua Lus Hmoob, mus xyuas dhs.wi.gov/library/collection/AKids25.

For other languages (繁體中文, 简体中文, Deutsch, العربية, русский, 한국어, Tiếng Việt, Deutsch, ආයතන, Français, Polski, हिंदी, Shqip, Tagalog, Soomaali): 608-266-5508.

